



西江奏稿錄存中

查勘石工情形

石工試辦坦坡

搶護風掣石工

草職河員暫緩交卸片

慎防禦堤片

減洩運河水道

預籌河漕片

籌議接運章程

風掣石工賠修

承修石工各員處分

石工議請專辦大隄

參處工負

議濬下河片

接運江廣滯漕

拔出阻閉剝船片

籌議接運新漕

盤項經費片

滯漕接運完竣

請銷運漕經費

分賠運漕經費

盤項米數片

停挑裡揚運河

預備接應<sup>運</sup>新漕事宜

漕船攜帶土宜片

修驗接運船隻片

接運丁船並無苦累

預備新漕經費

飭拿滋事水手片

重運渡黃完竣日期

盤兌漕糧完竣

試行岸水通船之法

倒塘灌放漕船

新漕隨時提前

參撤衛幫備弁

目畢

奏為查勘堰盱石工收蓄湖水今昔難易不同謹會同

悉心通盤籌議先將大概情形據寔奏祈

聖鑒事竊臣等承准軍机大臣字寄道光五年六月二十

八日奉

上諭琦奏預籌漕運章程等語據稱洪澤湖石工現在

已屆七分以上出水六尺有餘約計八月中旬可以完

竣惟明歲海運尚不敷全漕之半自應及早籌畫收蓄

清水期於漕糧全數抵通嚴身任河督河務是其專

責著即詳細履勘就現在情形是否可將清水收足以資敵黃濟運抑或另行設法籌辦務期來年漕糧全數盡抵通倉不致臨時急遽並著琦會同悉心妥議具奏將此諭令知之欽此臣等欽遵會同前赴埕貯兩廳將洪澤湖石工周歷履勘計工程已有九分八月中旬定可完竣惟洪湖工承淮泗七十二山溪之水匯為四百餘里之巨浸全賴一線單隄為之捍禦東則淮揚兩郡保障攸資北則濟運敵黃机宜最要所有蓄水事宜關係至為重大臣等欽承

恩命具有天良敢不竭力籌維但就本年黃河之水勢現在湖工之情形寔有不能不披肝瀝膽直陳於

君父之前者查石工形如壁立湖面寬廣一遇西北大風浪若排山湧高堤頂迥非人力所能搶護從前所以保固無虞者皆由黃河之底低深故洪湖收水數尺即可外注水淺則浪微堤工自可不致著重溯查嘉慶七年洪湖頂水底僅存二尺五寸重運尚可暢行自嘉慶八年至十七年河口淤高黃水倒灌黃運兩河漫口多處以致漕糧艱滯糜帑殃民若非十八年豫

省睢工失事全黃澄清入湖暢出清口一載有餘將  
河底積淤刷滌深通弊將不可復救又焉能至道光  
元年洪湖存水八寸一寸尚高於黃河六尺有餘得  
以敵黃而濟運雖以上游之失事藉刷下游之積淤  
其言似屬不經而實在情形則有在上年老之官弁  
可詢現在黃河淤墊日高存水日大且無清水外出  
淤墊祇有日增斷不能轉翼日減即以上年霜降後  
石工未經掣通以前順黃堤存水三丈三尺而計除  
去洪湖地勢較高黃河一丈六尺外必將湖水收至

二丈始能建瓴而刷黃夫以二丈之石堤捍禦平堤  
之湖水以冬令數月之久安能保其必無西北大風  
不致潰決如上年湖水積至一丈七尺二寸即致失  
事至今河漕兩敵可為前鑒倘異倖風暴不作勉力  
多收恐未收刷黃濟運之功先受潰堤誤運之害則  
黃運兩河受交病更深求如今歲艱滯情形且不可得  
是刻下洪湖堤工清水萬難蓄足若第為明歲漕糧  
已分海運並非全由內河強令收蓄以備敵黃而不  
顧後年全漕之貽悞又不顧此後黃運兩河之巨害

殊

殊

殊

在臣等全不足惜其如漕運

能念及此不負大臣奉勅

國帑與淮揚數百萬生靈何伏念明年海運事在必行

則禦堤即當堅守不放以洪湖所存之水全力刷滌

甚是

運河庶可漸次復舊毋庸大加興眺以節糜費但海運祇可暫行而河漕必須久計臣等通盤籌議非仿照成法於洪湖石堤之外築做碎石坦坡即須擇海口較近之處另導黃河入海蓋蓄水必須保堤碎石坦坡可保湖堤不塌非獨濟運刷沙兼收其益即淮揚兩郡亦可又安惟碎石護堤工長一萬七千餘丈

需銀約六百萬兩之多又須分年辦理不能一年完工其未完之年石堤遇風仍難保無掣卸至海口較近之處查有海州所管之灌河口在黃河北岸鹽河下游如於王營減堤一帶導黃下注則迤東山海等廳二百里淤墊梗阻之河道不復經行而河口黃水亦必以新海口掣溜迅急漸次落低即湖水亦毋庸多收不惟暢出清口可以敵黃濟運且水未多蓄石堤亦可保全惟改移海口築堤挑河需費若干民田場灶有無高仰窒碍甫經派員往查尚難倉猝定議

五  
總之清口淤高河漕交病欲去其病惟有蓄清減黃  
二法而碎石護堤所以蓄清改移海口所以減黃容  
俟臣等確切查明於二者之中從長計較孰費孰省  
孰難孰易詳慎妥籌另行具

奏值此河漕兼敵之後萬分艱鉅之時本非萬全之勢  
寔無萬全之策臣嚴由道員驟升總河復由東河  
調任南河仰沐

殊恩至優極渥不獨職所專司責無旁貸而涓埃未効循  
分難安凡心力之所能為即捐糜亦所弗惜臣琦

世受

國恩歷任封圻復蒙

皇上於斥退孫等之後

特畀重任不能較諸臣別籌良法問心已堪自愧若再患  
得患失遷就游移只顧漕而不顧河渠圍苟且於日  
前一旦河漕重壞於臣琦之手則辜

恩溺職之罪更無可逭臣等惟有於補救之中權其利害之  
輕重計其保衛之久暫俾河漕兩項得復舊規以冀

上紓

宵旰稍酬

高厚鴻慈於萬一謹將通盤籌議大概情形先行合詞恭

摺具

奏伏乞

皇上聖鑒訓示謹

奏 道光五年七月二十日由驛具

奏 八月初六日奉到

硃批不惜心力朕已洞見其微另有旨欽此

臣琦

奏為訪查搶貯石工寔在情形請

旨將風掣各段工員分別革職留任留工於賠修之外仍

令捐拋碎石以示懲警恭摺據寔覆

奏仰祈

聖鑒事竊臣於十一月十一日承准軍機大臣字寄奉

上諭本年搶貯石工完竣經琦等奏准於例限三年外

再加保固一年並將新工製卸之處責令原辦之員賠

修該管員弁撤任示儆茲據工部查明本年七月內嚴



奏稱已完石工勘驗寔係照估安砌灰漿飽滿現據  
琦等奏新砌石料外雖平光內多欹斜空隙多有碎  
石填砌灰漿灌抵究不足以資抵禦並新工已有製卸  
顯與嚴所奏不符嚴既不予會奏時據寔檢舉琦  
業經查出工料偷減亦並未指名嚴參殊屬含混了  
事又據該督等奏稱現在議辦碎石坦坡計至四年合  
滿已有碎石拋護隄根隄工似可穩固是前辦險圩隄  
工全無寔在把握碎石坦坡並未定有章程尅期辦理  
設遇意外風浪之虞何所持以為固至所請加保固限

一年亦係嘉慶十二年奏明驗貯石工成案並非例外  
新添意似從嚴寔預為工員諉卸地步此項石工於河  
漕民生關係緊要本年用銀九千餘萬兩之多若似此  
潦草完工朦混陳奏豈不大負委任將來若再有掣卸  
誰執其咎著交琦即將前項工程欹斜空隙以及多  
用碎石填砌僅恃灰漿灌抵之處確切查明係何工段  
落何員承修嚴參示懲並如何設法補救以杜後患妥  
議具奏毋徒為敷衍目前之計至報銷工部時並著將  
用何項奈石碎石詳細造報由該部分別准駁以歸覈

寔將此諭令知之欽此仰見我

皇上厯念要工

訓示戾切下忱欽悚莫可名言伏念臣才識庸愚謬膺重寄惟河漕机宜未諳而

國家大計所關斷不敢絲毫欺隱當檢盱石工報完臣設有心含混必不將辦理不善之處於會

奏摺內據實聲明此固在

聖明燭照之中難逃

鑒察者茲奉

硃點

諭旨垂詢臣復詳加訪查上年十一月拾貳兩廳風掣石

工共長一萬一千餘丈維時十三堡息浪庵兩處口

門甫經堵合而湖水散漫淮揚兩郡岌岌可危在

事諸臣擬於本年大汛以前將石工一律修整以期

水有歸蓄免致他虞兼之時值嚴寒下層未倒之工

盡為冰凌凍土所掩以致僅就掣塌之工估計未得

拆驗舊工迨至冰泮春融各工員清理石槽間露舊

工隙裂脫節之處其時湖水已日見增長漸及堤根

勢不能普律加估不得不就脫落隙裂之尤甚者酌

硃畫

加拆修此原續兩估迫於時勢不能將舊工通行折  
驗之寔在情形也又查辦理石工面裡各石均須六  
面光平方能鉤心闌角無如本年工段綿長同時並  
舉例選四成舊石年久酥損而格於成例不能再擇  
煎之所需新石數至九萬餘丈之多產石之處俱在  
皖省深山距工較遠採办既已不易運送尤屬艱難  
在工各員因限期日緊湖水日增深慮水高于石不  
能施工是以有石塊不及鑿平即以碎石襯墊空隙  
者迨臣赴工查看之時蓄水一丈以外工程已至九

硃畫

分雖工程不盡堅寔而較之舊工石層釘順尚未偷  
減此又限迫艱勢不能面面光平及臣所以未即奏  
奏僅加酌加保固之原委也查保固四年嘉慶十二  
年於摸砌工程案內曾經

欽差大臣英 等奏請於例保三年之外加保一年其在  
十二年以前本無保固四年之案即十二年以後歷  
次成案部臣亦均照三年例限准銷當日因水下摸  
砌而特嚴今年因襯墊碎石而加重工員多一年保  
固之限即

殊點

國家省一年修築之資比類參觀似非寬縱臣愚以為工程之舞弊罪在偷減工員之偷減意存漁利今細加察訪各工員辦理此工料物則色色昂貴工匠則在在居奇不特無利可圖抑且魚有賠累其非因漁利而偷減尚近情理惟石工甫經完竣掣塌九十餘丈在舊工固有椿朽根鬆而新工襯墊掣卸究屬辦理不善雖現在已據修補完工未便稍予寬假檢查嘉慶十五年風掣石工四千餘丈

欽差尚書托

等奏將承辦之員分別現任者革職留任

殊點

旨將裡河同知王廷秀桃北同知熊增宿北同知沈如鎔

候補者革職留工各限三年如果所修工段並無掣塌屆時再請開復此次應請援照辦理相應請  
睢南同知唐文睿海阜同知馬榮外北通判袁炯徐  
堪汎把總周廷均革職留任候補通判雷体乾前宿  
南告病通判程國樑前運河通判戴杲兩淮試用運  
判施勳協防劉敏恭均革職留工並令各就所掣段  
落捐拋碎石喂護以資鞏固仍限四年如果並無續  
塌再行

硃畫

奏請開復倘限內復有塌卸工段即行嚴參革職一此外如另有掣塌工段之員亦即照此辦理至該工所用襯墊之碎石寬不過數寸厚不過數分並非竟以碎石作為條石填砌事後寔難區分應請河臣照例辦理臣前與河臣嚴議築碎石坦坡原為救敵補偏起見現在續奉

諭旨勅令將舊工椿朽根鬆新工空隙之處會同河臣再行勘議容俟勘明另行

奏請

訓示所有遵

旨訪查搶貯石工實在情形並工員分別參懲緣由理合據實恭摺覆

奏伏乞

皇上聖鑒訓示謹

奏道光五年十二月初六日具  
奏道光六年正月初三日奉到

硃批另有旨欽此

奏為遵

旨查議洪湖石工能未間段拆修擬請先行擇要試辦坦  
坡一年為護堤蓄水之計並陳與河臣所見不同緣

由恭摺奏祈

聖鑒事竊臣承准軍机大臣字寄道光五年十一月二十

四日奉

上諭琦等奏通籌河湖全局議築碎石坦坡並臚陳利弊請分年辦理一摺朕詳加披閱高埕堤工不固清水

臣琦 跪

未能儲蓄該督等議築坦坡護堤原係補偏救敝之策  
惟石工段落綿長計非五六年不能竣事此五六年中  
清水不能蓄足敵黃禦黃堤仍難啟放運道依舊難通  
且計通工之需與歲修碎石之費為數不貲若即以此  
項工費將椿朽根鬆隄工間段拆修完固或可不必築坦  
坡足資抵禦豈不較碎石為一勞永逸之計茲並可免  
滋流弊抑或將堤工修築完固後擇要拋護碎石更為  
得力均須悉心籌畫計出萬全現據該督等奏稱舊工  
之草率較新工為尤甚是新工舊工皆不足恃即拋護

碎石而堤根不固又豈能當風浪之掣激設經久毫無  
寔效豈不以數百萬之帑金輕付洪流而貽害更非淺  
鮮著該督等再行詳加履勘將舊工之草率難資擊載  
者共有若干斯新工之款斜空隙者共有若干其從前  
新輔所修原堤尚有若干是否可能修築完固琦等  
務當不避嫌怨無稍迴護逐一查明據寔由驛具奏其  
應如何定議之處俟奏到時再降諭旨將此由四百里  
諭令知之欽此仰見我

皇上慎思明照計遠慮周臣欽佩服膺莫名感悚伏念河

漕二事相為表裏而非收蓄清水無以敵黃濟運故  
治湖尤急於治河高埝大堤形勢本屬卑危兼之工  
程未臻堅鞏清水不敢蓄足漕船無自通行此時如  
果湖蓄未充原可擇未安各工重新拆砌以期一勞  
永逸無如堤身入水已深一經拆動水即順勢滙注  
一洩無餘雖揚下游必致漫淹而高寶一帶三百餘  
里之運河水無來源涸可立待此不惟阻本年之重  
運且將誤明歲之漕糧其舊工歷時既久固不免於  
椿朽根鬆第臣於上年秋間前詣該工時因蓄水已

至丈餘無從目驗現又飭據淮揚道潘錫恩查稟據  
稱拆工驗椿勢所不能訪問該管廳營寺稱係現在  
估拋碎石之七十八段其中有脹裂突出塌成腰洞  
者有縫口參差傾欹外撲者大率底椿朽壞不能擊  
載所致第果椿朽根鬆即當立時整塌今脹裂各段  
似係底椿尚屬可支因新石壑重擠成中突惟外撲  
之處或因舊椿已朽下矧上離於理尚近等語該道  
雖初到南河於公事極為認真而於底椿之朽壞  
寔有若干亦未能懸揣而知至前河臣靳輔所修原



隄時遠年湮歷有折換此時並無段落可指並無卷  
案可查萬一折修之處工段過多費鉅工長又無停  
運漕糧專待築堤之理則惟有固隄工而蓄清水竅  
為目前急務前據陞任淮海道梁章鉅具稟擬請修  
復搶圩二堤以為大堤捍衛約需銀一百五十萬兩  
然二堤為堤後保障祇能見功于大堤有失之後不  
能預固于大堤未掣之先今既欲蓄清水不得不先  
護堤根而欲護堤根不得不亟議坦坡考靳輔治河  
方畧所載乃係以土築坡彼時蓄水不多與今日情

形迥異嘉慶十一年間前督臣錢保河臣戴均元徐  
端議築碎石坦坡並經徐端於深水淺水處試築數  
段今雖無跡可求然石性沉重勝于土性之鬆浮而  
石碎則無迎拒之形坡坦亦免撞擊之勢藉作堤工  
外護能使堤根恃以堅固隄身得所憑依據理似有  
可信是以河臣嚴烺與臣再四熟籌會同

奏請茲蒙

聖明一一

指示臣復與河臣往返札商經嚴烺兩次撰具覆奏摺稿

寄臣閱看如所稱舊時石工不能間段拆修及論現在情形舍坦坡難以補救並于迎風緊要處所首先施工等語俱與臣所見相同其餘則未能盡合蓋以目前形勢而論辦理坦坡洵與石工有益豈可坐失事机但執法不可不嚴經費不可不節上年新砌石工外雖平光內多襯墊以致甫經告竣即有被風掣塌之事疊次欽奉

諭旨飭令雜查參奏臣抵任時工已垂成底難盡悉河臣嚴娘係始終其事臣屢向詢問據稱雖非段段如此

要亦各分皆有而於何段最甚何段為次則未能雜指河工弊竇甚多而河員習氣又不以公事為重石工為眾目共見尚復如此草率若不澈底查明分別懲處則工員益滋胆玩將來辦理坦坡工在水底更可以少報多其良<sub>法</sub>雖良恐任使不能得人終難<sub>望</sub>其獲益河臣謂查參工負與籌办坦坡係分兩事應將坦坡先行議覆而臣意擬將原估及承修之員查明効參與請辦坦坡工程一同具奏俾工員知所警戒莫可收寔效而節虛糜臣與河臣

前奏坦坡工程約需碎石一百五十餘萬方需銀五百六十萬兩分作五年拋成每年拋石三十餘萬方需銀一百十二萬兩拋成之後尚當另籌歲修誠如聖訓通工之需與歲修之費為數不貲因思此事前人議而未成此時並無舊轍可循則事屬創行一年之中拋办若干蓄水若干掣卸若干修費若干不獨臣必須試办方可信心即河臣前此久在南河亦未親經辦過是彼此皆係以理揆度豈能料定數年之後光景若何臣意擬請在於該工迎風犯浪處所先行擇

要試辦坦坡一年如至本年秋冬間經歷三汛之後寔能固住堤根蓄水得力掣卸不多則事有成效可徵即當奏明請

旨將全工次第拋足而歲修之費所需無幾亦可于河工歲請項內酌為融撥無庸另請錢糧倘掣卸過多歲修不貲則堤前已有碎石保護堤根可無塌陷之虞或再接築二堤以為後衛於蓄水尚存放心綜計一年碎石之用及接築二堤之費寔可省數百萬帑金况據淮揚河營遊擊黃廷珠會同沿湖各州縣具

稟查明運石湖船止有一千九十二隻每運裝石三千四百八十餘方每年可運六十次共可運碎石二十萬九千一百六十方是運石之船止有此數即再添雇船隻增運亦屬無幾斷不能與前奏每年三十餘萬方之數相符且採办碎石其山先<sup>近</sup>而<sup>後</sup>遠後其價先賤而後貴是以前奏統計五年均勻牽算每年需銀一百十二萬兩若就此二十萬方擇要先拋則在興辦伊始係屬地近而價賤約計銀六七十萬兩當可足敷所需更為減省而河<sub>臣</sub>意在五年拋成其

所稱收窄坦坡擇要先拋一二年間堤根全行護住等語究竟一年之內實可蓄水若干空重漕船如何運送並恐運石湖船止有此數不能副五年之期而每年請銀一百十二萬兩轉成虛設<sub>臣</sub>屢次函覆未與會銜茲准河<sub>臣</sub>來咨因所見不同業經由驛單銜具

奏<sub>臣</sub>亦不得以意見不同之故直陳于

聖主之前未敢因會奏在先稍存迴護除新舊石工情形及原估承修各員已據淮揚道潘錫恩等詳細查明

另摺

奏參外臣於河務不敢師心自用相應仰懇

天恩將臣所擬請試辦坦坡一年察看掣卸多寡或次第

拋足或接築二隄是否可行其办工之始全拋採買石料地近價賤一年

是否得能減省並每年河工歲請項內實可融撥坦坡修費若干如通工全拋一年之內寔可蓄水若干本年接運軍船能否回空來歲

重運漕船能否渡黃

勅下河臣逐一籌酌詳議覆奏候

旨施行所有臣查議洪湖石工及與河臣所見不同緣由

理合恭摺具奏

奏伏乞

皇上聖鑒訓示再此事奉

旨查議業經一月有餘因淮揚道潘錫恩等拆驗各分工

段甫據稟覆以致覆奏稍遲現在河上地方又安是

以未敢馳遞致駭觀聽合併陳明謹

奏道光六年正月二十六日具

奏二月十九日奉到

硃批覽奏俱悉此事朕惟責成卿一人耳前降諭旨諒已

接到茲復有旨諭欽此

臣琦跪

奏為查明堰圩通工寔在情形請  
旨將承修各工員分別懲處仰祈

聖鑒事竊照高堰山圩兩廳境內新砌石工辦理草率被

風掣損多段臣於上年十二月間

奏請將承修之現任裏河同知王廷彥等七員革職留  
任候補通判雷體乾等五員革職留工於賠修之外  
仍令捐拋碎石以示懲儆欽奉

上諭琦奏訪查堰圩石工情形分別懲辦一摺前因堰

盱新工掣卸該督與嚴烺先後所奏不符當降旨令將承修工員查明嚴叅示懲茲據奏上年承辦石工時因下層未倒之工盡為冰凌凍土所掩僅就掣塌工段估計未得拆驗舊工又石工綿長同時並舉例選四成舊石所需新石採辦較遠運送尤艱因限期日緊湖水日增是以石塊未及鑿平即以碎石襯墊查勘時工程已至九分酌加保固四年並非寬縱此次細加查訪尚無○偷減工料情事惟舊工固有椿朽根鬆而新工襯墊○掣卸究屬辦理不善請將承辦之員分別革職留任

留工並令各就所掣段落捐拋碎石俾護等語堰盱石工關係運道民生務期鞏固經久原估及承修工員均不容草率從事此次石工甫經報竣旋即掣塌九十餘丈之多如該工員係始終一手經理是查估不慎于前復潦草辦理于後自應從嚴叅辦如掣卸工段即在凌結土埋椿朽根鬆處所從前係另派工員估計則原估之員咎無可辭不得以承修之員獨任其咎著琦再行確查原估工員何人與承修各員分別據實奏明再降諭旨將此諭令知之欽此仰見我

皇上明罰勅法一秉大公至意當查前項工程段落綿長  
高堰山盱兩廳境內共分三十八分派員承修先於  
道光四年十一月間派委前高埕通判繆鎔高埕營  
守備汪元音前山盱通判孫厚坤前山盱守備尹漣  
四員勘估造冊由調任徐州道前任淮揚道沈學廉  
勘轉嗣於五年二月間開工各員創挖舊石清槽露  
底見有必應增估之工復經署高埕通判陳式平及  
汪元音孫厚坤尹漣等續加勘估由淮揚道沈學廉  
總催降調道員鄒錫溥覆勘稟辦臣於上年六月抵

任石工已在垂成其勘估之是否覈實及新工之襯  
墊或多或少皆不能悉其備細必須澈底跟究分別  
懲處庶原估及承修之員兩無推諉而以工程之優  
劣定工員處分之輕重亦可各得其平隨檄飭新任  
淮揚道潘錫恩會同前任淮揚道沈學廉將被風掣  
損各段何員原估何員承修及通工碎石襯墊處所  
何段較多何段稍次逐一查明據實稟覆茲據該道  
等前赴該工自高埕工頭起至山盱工尾止於各分  
內指拆一段分別等次並將原估續估各員銜名及



增減工段開摺造冊稟送前來臣覆加確核緣在初估之時正值天氣嚴寒所有未倒層路及最下各層俱係凍結土埋測探未能準確止能先就已倒各工分段估計當經原估工員稟俟春融再行續估迨開工以後該估修各員細加察看或與原估丈尺稍有不符或有下石層路業經倒卸原估時未經看出及雖未倒卸而業經皸裂應行拆修各工除前任裡河同知張棟署高埕通判陳式平睢陽同知唐文膺三分自願捐办及協防劉敏恭一分並無應增形跡俱

未續估外其餘三十四分均有續估之處經前任淮揚道沈學廉總催道員沈學鄒錫溥覆行勘估適以時方長水亟應趕砌底層僅能擇要加增不能普律拆動然查閱潘錫恩等現送冊開其中有照各員所稟全准增修者有較各員所稟量為核減者並有各員未稟增估及稟請增估之外勘明加增者亦有原估之工復經勘減者俱係細核情形斟酌估計至被風掣損工段計十二分其中或全係新工或新工止一二層而舊工有十數層者此等舊工皆為初估續

估所未及因查估時並未見有斷裂形勢未便意為指估致啟浮冒之端查堤工高至丈石路有十八九層之多若由舊工不固致有坐墊則當自下而上今掣卸各工皆係自上及下而底石仍然屹立此在石工歷時已久固有椿朽根鬆而新工修辦未堅即不能盡諉於旧工之帶倒至所辦新工外面雖尚整齊其裡石鑿鑿未平用石片襯墊之處大率各分皆有第多少厚薄各有不同以及灰漿之老嫩尾土之堅鬆非折驗不能得實現當湖水蓄至一丈數尺風信

靡常勢難創定多層致貽他慮據潘錫恩等於每分內指拆一段創驗一二層以裡石尺寸尚能足數砌處惟<sup>微</sup>有襯墊及灰漿尾土堅好者為較可計十一分裡石尺寸不足襯墊碎石稍多及灰漿散嫩者為其次計二十分以裡石空隙襯墊過多及尾土殘缺者為又次計七分此雖不能以一段槩全分之工程用銀至九十餘萬兩之多原關係運道民生是以不惜

帑金趕緊修辦誠如

聖訓原估及承修工員均不容稍有草率惟查原估之繆

鎔等五員雖俱派办工段而當其承估之時尚未自  
知所派何工無所用其避就况兩次勘估俱經該管  
道員沈學廉及總催道員鄒錫淳先後勘明具詳直  
至工程完竣並無一分續再請增其不能普律拆修  
始因凌結土埋繼因水長期迫實係限于時勢使然  
尚非有心草率從事若灰漿散嫩及碎石襯墊皆由  
修办之不慎有非原估所能知今令分任其咎恐將  
未承估之員意存瞻顧必致可以緩之工從寬估計  
任意浮多而在承修之員轉可藉詞諉卸開經費虛

殊點

殊畫

糜之漸成屬負挾制之風一切估办工程愈不可問  
所有此次原估之繆鎔陳式平汪元音孫厚坤尹連  
等五員及履勘之沈學廉鄒錫淳二員相應仰懇  
天恩均免置議至承修各員于此等要工並不認真如式  
修砌以致完工未幾被風掣損多段其未經掣損各  
分亦非一律堅寔雖因限迫工艱究屬办理不善自  
應分別懲處以為辦公草率者戒除風掣各分之裡  
河同知王廷彥桃北同知熊增宿北同知沈如鎔睢  
南同知唐文睿海阜同知馬榮外北通判袁垆徐堪

殊點

汎把摠周廷候補通判雷毓乾前宿南告病通判程國樑前運河通判戴杲兩淮施用<sub>試</sub>運判施勳協防劉敏恭十二員仍請照前

殊畫

奏將現任者革職留任候補者革職留工並令捐拋碎石俾護外其餘二十六員內高埈守備汪元音銅沛同知胡晉前署高埈通判陳式平高埈協防王種<sub>藍</sub>蘭中河通判范承紫前山盱守備尹漣署山盱守備蔡天祿前山盱通判孫厚坤山安同知施雲梯署運河通判于願發<sub>十</sub>員所辦工程較可應請從寬暫予免議

殊畫

殊點

其前任裡河同知張棟署高埈千摠協防王承泰爾南同知崔文燦高埈主簿朱士濟宿南通判陳大鯤外南同知<sub>萬</sub>承紀高埈通判沈鵬署安東縣知縣王世錫署山盱通判黃樹椿盱眙縣丞程金徐下汎協防趙鵬十一員所辦工程係屬其次應請降二級分別留任留工又候補通判黃宗保前高埈通判繆鎔枕南通判竇如<sub>汝</sub>鉤邳北通判顏爾懋徐堪上汎協防吳九如五員所辦工程係屬又次應請革職分別留任留工以示懲警以上降級革職留任留工各員果

殊點

殊畫

保固限內並無續塌工段再行

奏請開復倘限內復有塌卸即行嚴叅革職斷不敢稍有寬貸所有查明堰盱通工情形及承修各員應行分別應行懲處緣由理合恭摺覆

奏並將兩次勘估各員銜名並拆驗各工等次敬繕清

單恭呈

御覽伏乞

皇上聖鑒訓示謹

奏道光六年正月二十六日具

奏二月十九日奉到

硃批另有旨欽此

臣琦 張 潘 跪

奏為 搶盱 盱過 風暴 掣塌 石工 間段 湊長 共計 三千 餘丈 業經 搶護 平穩 現在 趕緊 籌備 物料 嚴密 防範 及分別 宣洩 各緣 由恭 摺

奏 祈

聖鑒 事竊 查洪 湖水 勢自 各堤 河堵 閉後 復有 增長 酌籌 宣洩 及疊 次西 北風 暴異 常險 要情 形均 經 臣等 先後

奏報 在案 臣張

臣潘

於奏 明啟 放仁 河禮 河後

立即飛飭該廳營趕緊起拆適值初五六七日又起西北大風臣琦臣潘即帶同淮揚道鄒錫溥參將張兆趕緊馳往臣張在浦飭脩工襍料物分僱車船以備濟用乃風起愈勁浪高於隄至二三丈堤內堤外浪激水飛無處不到該道鄒錫溥先行冒險前進臣琦臣潘亦即帶同參將張兆飛速馳赴該處率同廳營帶領弁兵人夫將存工料石趕緊搶辦而風狂浪湧人行均難行立嚴寒凝凍堤工一望盡成冰山幾無駐足之地正在萬分危急幸叨

聖主洪福於初八日風勢少定臣等始得按段履勘凡有新舊石工掣卸之處大半塌至塹根寬於二三丈至四五丈高塹十三堡及山盱息浪菴越塹均已塌去大半山盱廳之舊五塹檔內至有僅存東面塹頂寬不足丈餘者設是晚風未定息幾蹈未四年冬間災輒河漕大局豈堪設想臣等驚慄餘生益深凜畏至初九日臣張亦即由高塹一帶前往履勘距大風之後後已有三日仍復冰掛樹顛路窄如綫除高塹十三堡以上將刷塌各段趕緊接護外其十三堡以下及

山盱廳各緊要之處幸先經飛飭各廳一面辦理一面僱船並分用大小車輛由陸裝運惟陸運費用既大到料甚少而湖船封雇既艱且來往均須順風尤難剋期計數臣等寔不勝焦灼之至臣張即折回親駐河口督催料物船隻數日以來幸已源源到工應手相護得將最為吃緊各段擇要廂竣其有寔在不及候料之處尚多即用預購碎石填砌缺口以免續塌大局漸臻穩定其餘或賠修工員自行廂做或即用協濟<sup>稽</sup>柴隨到隨廂但得風信少稀約月底

總可全行廂竣計需稽柴必一千數百堆始敷應用其掣塌石工自七月初六日起至十月二十五日止共計風掣十次查據高堰廳屬共掣石工長一百零五丈內新工長一百零三丈舊工二丈山盱廳屬共掣石工長五百五十五丈三月初十一月初二及初五六七日兩次風暴更大為時又久高堰廳屬共又掣石工長一千二百二十二丈八尺內新工長一千一百七十四丈四尺二寸舊工四十八丈三尺八寸山盱廳屬共又掣石工長一千四百零四丈六尺



內新工<sup>長</sup>查一千三百零八丈七尺舊工九十五丈九尺以上統計堰盱兩廳風掣十二次共掣塌石工間段湊長三千二百八十七丈七尺內新工長三千一百二十三丈一尺二寸舊工長一百六十四丈五尺八寸另容分別應估應賠查明層數<sup>路</sup>確估銀數再行開單具

奏至湖水向來冬令不過蓄至一丈二三四尺即臣等本年亦先經奏明蓄至一丈五尺為度嗣<sup>因</sup>日落一寸僅存一丈六尺一寸而下游之昭關堤若不上絕

來源難期速堵則被災州縣無由涸復是以將臨湖各河堤趕緊堵閉俟留東清堤洩水維時清高於黃一尺九寸洩消甚暢奈湖水來源與往年迥異據正陽關具報淮水至十月初三日尚存長水一丈二尺歷查百十餘年皆所未有雖有禦堤及運河兩處分消而湖水有反增無減是以先啓仁禮兩河又復接啓智堤並查量吳城七堡<sup>堡業</sup>業已清高於黃亦即續行啓放日來黃水復又暢消計禦黃堤清高於黃二尺六寸吳城七堡清高於黃二尺四處均洩無如湖面

寬廣十日之久甫落三寸仍存一丈六尺五寸臣  
守公同酌商俟落至一丈五尺以外再行察看情形  
次第堵閉收束以資濟運惟現當西北風司令雖目  
下暫可保護仍恐風起不特關係甚重臣等不得不  
寬籌料物分別積土並按堡貯錢按段派兵梭織巡  
查不敢以風平浪息即稍存懈怠臣琦 臣潘  
仍往來各工督同淮揚道鄒錫淳叅將張兆安為廂  
辦慎督巡防臣張 仍駐河口催備船料俟大局稍  
定即當馳赴減埧東西料廠董率經理仍赴攔黃埧

以下挨段查催挑工務當分報妥辦不敢顧此失彼  
以冀竭盡愚忱稍報

高厚恩施於萬一至此次接護所用錢糧因工關係要由  
庫墊發其在應行賠修段落之內仍著原修各工負  
名下追繳再智堪迤下因南北皆有東水堤直達高  
寶湖並無民田合併陳明所有洪湖堰堤搶護平穩  
及風定水消各緣由理合恭摺具

奏伏乞

皇上聖鑒謹

奏

道光六年十一月十九日具

奏十二月初一日奉到

硃批另有旨欽此

臣琦 跪

奏為勘明高埕石工情形專辦大隄較移築二隄為便  
捷據寔恭摺覆

奏請

旨遵行事竊臣承准軍機大臣字寄道光六年三月初八

日奉

上諭前因高埕石工不固既不能普律拆修不得不亟籌  
保護是以降旨令琦將二堤工程勘估興辦茲據該  
督奏稱准揚道潘錫恩現有建築二堤不若增培大隄

之稟並復細詢廳營俱稱建築二堤祇可為隄後保障而不能恃以蓄清二堤地勢較低若大隄有失二隄仍不免有過水之虞與潘錫恩之言相同朕閱該道所稟將堤後二河展挑寬深所挑之土即加倍大隄東面不足再隔河取土幫成頂寬十丈坡用三收之大餞通堤一律似與蓄清較為近理惟前此陳忠孚等所謂興築二堤加築格堤以為後戩總係為保衛大堤起見如果加倍大堤更有把握而當擇善而從着琦即親往查勘或應專辦大堤或再兼築二堤逐一將各工覈實

估計迅速奏明興辦等因欽此伏查高埕大堤二堤工程先經臣飭委淮揚道潘錫恩河營叅將張兆督同廳營各官確切勘量覈實估計臣于本月十五日自浦起程親詣該工周歷大隄及移建二堤處所逐一履勘並將該道等所估土方詳加籌核查自高埕武家墩至山盱周橋止舊有二堤一萬一千六百餘丈今移建三堤基址長大相同惟該處地勢較現在洪湖水面低至一丈七八尺即照升任淮海道梁章鉅所議築高二丈五尺尚低於大堤三四尺不等必須

築至二丈八九尺方與大堤相同又自周橋以南至東水北堤長一千三百餘丈向無舊堤亦應一律估築共土四百四十萬四千餘方統乾土遠越土船土方價牽筭需銀一百一十萬九千餘兩中築格堤十八道估土八十萬四千餘方需銀二十八萬二千餘兩其自東水北堤至蔣家堤長三千三百餘丈係在五俱檔內梁章鉅前議以該處地居湖梢不甚犯風然自嘉慶十年至道光五<sup>年</sup>該處石工被風掣塌無歲無之前月二十五六日之風堤檔掣塌亦較他

處為由甚若再存此漏卮一處有失必致全湖盡洩自應一律估築二堤并加築格堤三道並於智信兩堤之下建設滾水石堤二座以便啓堤放水得資宣洩計需築堤方價銀二十七萬八千餘兩築堤工料銀八十餘萬兩如以益河潯河草澤河石閘三座每座估銀二萬七千餘兩共需銀八萬一千兩零以上總需銀二百五十六萬餘兩較梁章鉅原議一百五十萬兩之數已增銀百萬餘兩且該員原稟內稱格堤十數道酌留橋門以通料運如遇風暴搶護即將

橋門塞斷等語查格堤係在河內地極低窪所留橋  
門高至三丈七八尺若不釘椿攔板堤難隄立如用  
四丈餘長椿木數百根橫以板片既難經久亦多糜  
費設遇急切搶堵措手尤難必欲啓閉随机亦須建  
閘方妥此二十一道格堤中除東水南北堤不開橋  
門外其餘十九道均應建閘以每閘二萬五千兩而  
計又需銀四十七萬五千兩是欲建築二堤非  
帑金三百萬兩不能舉其大堤計長一萬六千八百餘  
丈內高埦頭二兩堡犯風較輕應從樽節無庸幫餞

祇須加高子埦自三堡至山盱十<sub>四</sub>堡共估新價頂  
寬十丈按三收鋪底以現在埦頭作為堤頂上再普  
加子埦照蓄水二丈子埦出水六尺為度東留堤面  
二丈為副路西為坦坡直接海漫槽土俾風浪上潑  
遇坦則流不致過於掣刷其息浪卷新補堤後跌有  
深塘斷不能澆餞施工應俟石工砌成後於工後估  
築高二丈放五收土坦面包碎石灌以灰漿該處現  
有外越大堤急切不致塌通石坡灌漿可期乾老通  
共估土二百五十二萬餘方按照向辦大堤方價牽

算連碎石約需銀一百七十七萬餘兩較之建築二堤經費可省十分之四此勘估大堤二堤之實在情形也臣查洪湖週寬四百里每遇風暴浪若排山一綫卑堤實為淮揚二郡之障蔽向來收蓄清水至一丈以外及一丈三四尺石工即有遇風掣塌之事甚有塌至數千丈並將各堤掣通者前冬湖水蓄至一丈七尺遂致掣通兩處口門為從來所未有今若專為敵黃濟運起見非蓄水二丈不為功而就石工形勢言之則無論建築二堤幫寬大堤止能禦一丈五

尺以內之水均不能蓄至二丈使之開堤通漕第蓄水固所以濟運而護堤寔所以衛民如能將黃水設法疏消則清水或可無須多蓄但掣低黃水即以王營減堤漫口之歲比較該處距禦堤最近至多亦不過落水五尺斷不能陡掣丈餘使湖水蓄至七八尺即可敵黃是湖水仍不能不蓄至一丈四五且如嘉慶年間皖省發蛟南岫有失湖水陡然異漲亦不可不為禦防之計必得搶堤堅固庶淮揚二郡億萬生民方可恃以無恐是治河不得不暨兼治湖臣與道

將廳營詳細講求雖大堤二堤同一不能藉以蓄二  
丈之水而為保障淮揚之計誠為必應辦之工兩者  
相權則移建二堤不若堅守二堤為費省而勢便蓋  
三堤舊址雖存殘缺已久今已改建二堤自底至頂  
皆須從新礮築恐客土性鬆即使承辦及監辦各員  
無不實心任事而夯礮之能否堅寔難保一律無差  
此其不足恃者一大堤係屬石工尚不免遇風即掣  
二堤係新築土工縱使極為堅寔萬一大堤有失內  
塘窪下全湖奔注之勢欲以數丈後之土工頂衝攔

抵此其不足恃者二儀者以龍門堤大堤屢次掣通  
因內塘灌滿得以無恙今既有格堤亦可三面防護  
殊不知龍門堤本係三面石工且周長僅有二百十  
餘丈水灌即滿故足外抵現在格堤相去十餘里缺  
口水注勢若奔馬恐格堤水尚未及二堤先已塌通  
若多築格堤需費更鉅此其不足恃者三就令內河  
灌滿二堤得以保全而缺口內外汪洋一片補還工  
石工無處著手萬一風暴迭至初次未經塌通之二  
堤正恐再擊難保不塌此其不足恃者四格堤之築



固在犯風最甚之處然風之所掣豈有定方倘失事  
適在兩格堤之間則兵夫搶護即須繞越數里時迫  
路遙難期得濟此其不足恃者五若大堤則逐漸加  
高其來已久雖出人工已得地氣況石工雖不免草  
率亦不致一擊即塌今既有高二丈之石工以為基  
址復再普加於埦則視新築二丈八九尺之二堤又  
高數尺而石工失事大率先將後槽土掣空石工遂  
從而塌卸今幫成頂寬十大坡用三叔更以子埦直  
接海漫槽土復用坦坡以緩其勢則堤土寬厚後槽

之掣及亦輕且以經費多寡相衡則二堤費多而仍  
歸無益大堤費省而較有憑依自宜舍多從少專辦  
大堤所有建築二堤一節應可毋庸置議惟瞬屆農  
忙又值大汛將至派員雇夫均非易事至五月以後  
天氣暑熱工作惟艱如欲于兩月之內完此幫寬大  
堤之工計土核筭每日須出土四萬二千餘方越堤  
取土每夫一名僅得土二分半即需夫十六萬八千  
名加以礮夫挑夫等項每日摠共需夫二十二萬餘  
名斷難雇募齊集臣與道將等再四籌商惟有于高

四  
拾境內之六堡九堡十堡及十二三十三十六十七等  
堡並山圩境內自頭堡至七堡暨信堪十三堡擇其  
最為迎風犯浪緊要處所先行趕緊幫餉其全工則  
俟今秋明春辦理庶為時較寬每日需夫稍少在雇  
募不致居奇而督察亦可周到謹就臣查勘實在情  
形恭摺覆

奏  
是否有當伏乞

皇上聖鑒恭候

謹示  
祇遵謹

奏

道光六年三月二十三日由驛具

奏

四月初五日奉到

殊批所見是另有旨欽此

臣琦 跪

奏再臣上年查叅風掣石工承修工員及本年創驗石  
工裡石空隙襯墊碎石過多各員均經

奏明現任者草職留任候補者草職留工欽奉

諭旨如保固四年限內工段再有損即將該員等嚴叅  
草職等因欽此茲二月二十六七日風掣工段即有  
原叅草職留任留工之員臣已另摺叅

奏請

旨草職各該員办工不慎寔屬咎有應得惟查南河候補

同知通判雖現有十三員此內因事  
奏明撤回者四員又有風掣石工現經

奏參分別草職留工者三員其餘六員中求其能膺剝  
任者不過一二人而現出有山安外北山盱揚河邳  
北五缺已屬不敷擬補且內有承辦石工土工人員  
今若將草職留任各員概予草任更換寔覺人少缺  
多若因擬補乏人于不諳人員中陞補改派充數轉  
瞬大況經臨不特修守貽悞更恐虧  
帑累工所關匪細臣明知黷陟攸關懇勸未敢妄為乞

恩而南河寔在情形洵有任用乏員之勢可否將應行草  
職各員暫緩交却俟霜降安瀾之後會同河臣察看  
修守何如再行

奏辦之處出自

聖裁理合附片陳明並將南河候補工員繕具清單恭呈  
御覽伏候

訓示謹

奏

道光六年三月二十三日附驛具

奏

四月初五日奉到

硃批另有旨欽此同日奉到

上諭錄後

奏為堰盱補還漫口石工尚未築砌完竣已有撲墊情

形請

旨將承辦之員革職示懲另發銀兩派員拆砌仍由該革

員名下追賠歸款仰祈

聖鑒事竊照上年新修堰盱石工辦理草率經臣琦

分別等次恭摺

奏叅在案其十三堡息浪庵兩處缺口應行補還石工  
皆係在外越柴埧之內拆底築砌既非如臨湖石工

琦 張 潘 跪

限迫工艱又非如舊工之上添砌新工得藉口於椿  
朽根鬆者可比理應加意妥辦以期鞏固自興砌以  
來臣等不時留心訪察先因撤任山盱營守備尹連  
承辦之息浪庵新工有坐蟄裂縫情形查其尚非有  
心弊混當飭該守備趕緊拆修並將費緩叅辦緣由  
附片密

奏茲又查十三堡第三分石工原係前任山安同知施  
雲梯承辦嗣經臣琦以該員年老  
奏請休致即將此項工段改派海防同知鄭炳文接辦

現據鄭炳文稟稱接辦石工已添砌六層共計砌成  
十三層惟工尾二十八丈磚石離位外撲裂縫寬至  
五六寸及一尺不等所有接辦石<sup>工</sup>總共八十四丈均  
恐帶動等情臣潘親往查驗屬實此皆由原辦之  
員劣底未能堅寔所致自非重新拆卸另釘底椿雖  
層累加砌仍不足以資捍衛與尹連承辦之息浪庵  
工段事同一例玩悞之咎寔所難辭查施雲梯既經  
勒休此時責令拆砌勢必任意延挨並查尹連應行  
拆修石工迄今亦未興作當此湖水漲滿之際該兩

處均係口門攸關保障豈得因有外越柴垣即可稍  
事緩待相應據實

奏參請

旨將休致山安同知施雲梯及撤任山盱營守備尹連一  
并革職以示懲儆一面由河庫墊發銀兩將十三堡  
外撲石工責成接辦之海防同知鄭炳文息浪庵下  
坐石工責成現署山盱通判陸楷分領承辦務令拆  
卸到底加椿深釘認真重修勒限報完驗收不使稍  
有草率從事所有墊發銀兩即著落該革員<sub>等</sub>名下

按數追賠庶將來辦工之員知所做畏于要工不致  
貽誤臣等謹合詞恭摺具

奏伏乞

皇上聖鑒謹

奏

道光六年七月初九日具

奏八月初四日奉到

硃批另有旨欽此同日奉到道光六年七月二十一日內

閣奉

上諭琦 等奏叅承辦石工撲墊之同知守備一摺江南  
山安休致同知施雲梯山盱營撤任守備尹連承辦十  
三堡息浪庵兩處缺口應行補還石工尚未築砌完竣  
已有撲墊情形糜帑玩工可惡之至施雲梯尹連俱著  
革職先由河庫墊發銀兩責成接辦各員分領承辦報  
完驗收無使稍有草率偷減所有墊發銀兩著落該革  
員等名下勒限按數追賠如逾限不完即著嚴叅治罪  
該部知道欽此

再洪澤湖上承豫皖七十二道山河之水周寬四百  
餘里為淮揚保障敵運濟運關係至為重大無論新  
修石工草率不足以資抵禦即溯查靳輔舊案彼時  
湖底深通水不至於堤根是以石工並未加至二丈  
之高修築亦易仍係閘堤時開藉資宣洩即近溯自  
乾隆七年冬令存水一丈五尺四寸即為最大之年  
嗣後至嘉慶年間以至道光五年皆止蓄水一丈二  
三四尺從未有蓄至一丈六尺過冬之時故定例湖  
水一丈五尺即各閘堤齊開宣洩所誠以所閘重鉅



莫可如何本年因湖異漲過早以致下游被淹甚重  
如果違例妄開臣職任地方當七月到浦之時豈敢  
不據實奏

聞甘肅扶同隱諱之遣今攔湖堤與信智兩堤仁義禮三  
河並車南中新四堤業俱堵合即昭關堤亦經副河  
臣潘督率趕幫撥函稱於本月二十四日亦掛  
纜合龍上歲淮水係七月中旬歸槽乃前據該州縣  
報尚存長水一丈二尺時屆仲冬並未歸槽湖水間  
日加長已至一丈六尺五寸一遇西北風起即有倒

卸石料購運匪易又不能即刻補還祇係柴稍接護  
與石工大相懸殊是向例各關堤應齊開宣洩之候  
本年轉成堵合之時而禦黃堤外自全黃濟運悉已  
淤成平陸黃河退出里許迥非常日舊制雖現在拆  
展宣洩究屬一線河槽大非昔年之清黃僅隔一堤  
形勢寬廣可以大加拆展之比即堰盱大堤已加幫  
寬厚及現在趕辦之處究屬土工在常年之水尚可  
抵禦若以禦違例多蓄之水則風暴陡起浪過隄顛  
仍難保必無汕塌臣日查上游徐屬黃河水報二十

硃批

三日尚在長水臨黃之萬家灣吳城七堡均又清黃  
相平不能宣洩今歲發被減堤原為消黃被淹者蠲賑兼施何至隆冬水弱之時候又惟恃此禦堤一路清黃相平是此一審作為均歸無益矣覽奏曷勝煩悶西風日起竊恐宣  
洩不及大局可危正副河臣欲宣洩則甫經堵合思  
他籌又別無去路似此情形深恐待貽悞事關重鉅  
臣不敢不據寔奏

聞除諄囑河臣設法籌辦外謹先行附片陳明謹

奏 道光六年十月二十六日附

奏 十一月十八日奉

硃批 另有旨欽此

再臣欽奉

上諭據御史汪琳奏淮揚一帶運河減洩之水向由東堤  
各閘堤經下河各州縣境內匯入串場河分流注海今  
瀕海諸港口泥沙擁滯請及時疏導等語本年放開閘  
堤淹及下河各州縣皆由入港各海口淤墊壅所致必應  
迅速勘辦俾民田場灶均為有益着琦 先行遴派妥  
員覈寔估計一面與張青選會商此項工程銀兩是否  
可由運庫籌款墊發歸運場各商接引派繳等因欽此  
伏查運河減洩之水有歸江歸海兩路自

國朝以來屢濬屢塞臣稽考成案采訪輿論有謂歸海不如歸江之便捷者有謂江海兩路不宜偏廢者大約歸江之路近而費省歸海之路遠而費多惟海口既有壅滯而歸江各路亦未一律暢通以致下河州縣動輒受淹自應恪遵

聖訓迅速勘辦俾民灶咸得安居樂業茲查有揚河通判熊煥於下河情形最為熟諳臣已派委該員暨候補河工通判朱楹前往高郵寶應等屬會同州縣場官週歷履勘如有積水未消即先設法疏導一面察看

地勢高下及歸江歸海各港道塞情形據實稟辦前因興舉大工之際江工各道員未免分身經臣會同河臣將松太道潘恭常

奏調來工督辦增培高埝大堤現又剗催該道即日來浦先將下河水利委令督同該通判等逐一確估以期覆實第地方遼廓支汊繁多必得兩月有餘查勘始能周徧其挑濬工程或應分別緩急或應同時並舉及應需經費若干統俟勘覆到日由臣詳加酌核會同監臣籌議墊款奏請

訓示合將遵

旨委勘緣由先行附片覆

奏伏祈

聖鑒謹

奏 道光六年十二月十二日附

奏 道光七年正月初七日奉到

硃批知道了欽此

琦 跪

奏為淮揚運河減洩水道勘明歸海應竣各工分別約

估先行恭摺覆

奏俟秋後覆估興辦仰祈

聖鑒事竊臣承准軍机大臣字寄道光六年十一月十五

日奉

上諭據御史汪琳奏淮揚一帶運河減洩之水向由東堤  
各閘埝經下河各州縣境內滙入串場河分流注海中  
間支汊雖多而入海之路祇有鹽城縣之新洋港門龍

港東臺縣之王家港泰州之小洋口四處自乾隆年間  
設閘疏浚數十年來海口疏通河流暢順間遇湖漲宣  
洩不過稍為漫溢旋即涸退迄今年月深遠瀕海諸港  
口泥沙壅滯請及時疏導先由運庫籌款墊給商捐官  
辦等語本年開放閘堤減水下注淹及下河各州縣皆  
由入海各港口淤塞所致節經降旨令該督等設法疏  
導今該御史又為此奏必應速為勘辦俾民田場灶均  
為有益着琦善先行遴派妥員核實估計一面與張青  
選會同商酌此項工程銀兩是否可由運庫先行籌款

勢墊發將來歸運場各商按引派繳等因欽此當經臣  
將委勘緣由附片具

奏先後勘委運司鄭祖琛松太道潘恭常督同揚河通  
判熊煥候補河工通判朱楹周歷勘估茲據該司道  
等勘明議稟前來臣查淮揚運河西受寶應高郵邵  
伯諸湖之水上以洪湖為來源下以江海為去路其  
由邵伯以南金灣諸閘堤而出者則歸江由邵伯以  
北車邏等堤而出者則歸海第歸海一路經行下河  
七州縣地勢最窪形如釜底而沿海一帶轉見高昂

是以進水極易洩水極難必先內地徧受浸淹方能  
溢入於海兼以河路紆曲道遠氣長各港口潮汐往  
來泥沙易於壅滯前此屢浚屢塞寔由地勢使然誠  
不如歸江為近捷溯查康熙年間疊蒙

聖訓以湖河之水俱由人字河芒稻河引出歸江務令拖  
寬寬深並於乾隆初年奉

諭將邵伯以南入江之路酌量加增嗣經添建東西灣滾  
堤並挑浚董家石羊廖家三溝以暢歸江之路其芒  
稻閘長年不准下板復將諸閘堤及引渠隨時改低

展寬堅守高郵之車邏等堤不令全注下河水患始  
得平息仰見

聖謨握要一揆同符允為萬世所當法守惟近年洪湖水  
勢較旺於前每遇盛漲之時兩堤三河全行啓啟放  
減水奔騰下注專恃歸江一路已有宣洩不及之虞  
况寶應高郵邵伯等湖通連各支港口未修浚底墊  
日增不能暢速流行運河東岸隄工往往吃重不得  
不開車邏等堤旁注下河以資分洩而下河距江較  
遠難令繞越歸江且地即卑窪其中河道又多淤阻

遂致各州縣動輒被淹則欲籌去路暢通歸海一路亦屬不能偏廢臣稽考成案採訪輿情合以該司道等現在勘議情形應請展闢歸江各路俾湖河減洩之水多一分歸江即少一分歸海並挑深各湖通連支港使下游既可暢洩上游亦無停留而後車邏等堤可以得守且守此雖不能保下河州縣永免水災較之動輒受淹固有輕重之別再於歸海各路擇其扼要淤淺處所為挑浚庶盛漲時分洩之水亦不致壅遏不行查卽伯以南歸江諸閘堤內金灣新堤

之水一入人字河芒稻閘河歸江為洩水第一尾閘一入運盭河每於冬春水涸之際蓄水運盭暫將人字河煞堤堵閉候交大汛仍即啓除洩水歸江今人字芒稻二河均各寬暢毋庸展挑迤南又有金灣堤水入董家溝會芒稻河歸江東灣西灣二填水入石羊溝歸江鳳凰壁虎二橋水入廖家溝會石羊溝歸江以上各堤橋距江僅三十餘里地勢建瓴江口亦甚深通疏消最為順速惟金灣堤及東西灣堤門各寬五六丈鳳凰橋亦寬二十餘丈而各堤橋下引河俱

形窄狹間有淤灘其董家石羊廖家三溝亦俱狹  
與堤門相較寬窄懸殊壁虎橋引河及芒稻越閘上  
下河身亦有淤淺之處均應挑切展寬使不致有口  
大喉細之病該各引河長至二千六百餘丈及數百  
丈不等兩岸均係高崖積土甚多據將挑工撙節約  
估計需銀六十萬九千六十餘兩其實應高郵卞伯  
等湖通連支港湏俟湖水消落時凡有淺灘涸露處  
所由河臣羅佑趕辦此歸江一路應浚之工也自卞  
伯以北有南關大堤新堤五里中堤車邏堤昭關堤

五路減水為下河七州縣受水之源俱係洩入諸湖  
蕩達串場河分注范公堤各閘歸海范公堤計十八  
閘其歸海河港共有五道最南為丁溪閘入古河口  
歸海迤北小海正越二閘入王家港歸海又北為草  
塢正越二閘白駒中南北三閘及一里墩青龍八灶  
大團四閘共九閘入門龍港歸海石碓天飛正越三  
閘入新洋港歸海上崗北草塢陳冲三閘入射陽湖  
歸海計南關等五堤進水口門共寬二百六十餘丈  
而范公堤出水十八閘四十一孔共寬七十餘丈  
來水多至三倍有餘即使五路海口一律暢深所消



之數已不敵所受之數况石碓天妃等閘溜勢平緩  
閘上之水僅高於閘下三寸是地勢既非建瓴又有  
海潮頂托其不能速消亦可概見若出海河港再有  
壅滯則積水更無自疏宣今鹽城縣之門龍新洋二  
港及阜寧縣之射陽湖俱深二丈有餘洩水甚暢惟  
東臺縣之古河口王家港二河現俱淤淺應須挑浚  
撥估銀十三萬九千六百九十餘兩向係歸於商辦  
又高郵州之新河尾北閘河運鹽河頭菱絲滄總澄  
子河皆係各堤洩水歸海要道現亦淤淺應挑撥估

銀十萬三千二百五十餘兩向係歸<sub>於</sub>民辦借

帑興挑攤徵<sub>還</sub>款此歸海一路應浚之工也惟欲求下河

來源之少也必先使上河去路之多是歸江一路較  
歸海一路為尤急但本年洪湖水勢長發較早已將  
通江各堤次第啓放以騰空運河為容納減水之計  
未便於此時築堤興挑其濱海諸河港在夏秋間潮  
汐較大更恐旋挑旋淤且時屆農忙集夫亦屬不易  
均請俟秋後察看各州水勢冲刷及大汛淤墊情形  
應否增减再行確估興辦以歸覈實此外如興化東

臺鹽城阜寧等縣境內各有淤淺河道工段過多勢  
難同時並舉應由該地方官隨時酌量詳辦又范  
公堤為沿海屏障現雖距海較遠而歷年既久殘缺  
頗多隄內之溱潼河為鹽運所關前曾勘估開挑因  
雨停止其各閘座亦間有損壞應由運司另飭該管  
各員陸續修培疏浚并於各閘添置板繩以復隨時  
啓閉舊制俱毋庸彙入現估之案辦理至現在約估  
工需除商辦民辦之外尚需銀六十餘萬兩從前疏  
浚歸河道有由河庫動項者有由淮商捐繳運庫

支發者亦有河工鹽務地方分別發銀辦理之議今  
為數較多且有古河口王家港二河應歸商辦之工  
若一概責令商捐或恐力有未逮臣現飭藩運二司  
會同常鎮淮揚二道籌款議詳由新任督臣蔣  
酌定

奏辦合將勘明歸江歸海浚各工謹會同兩淮鹽政臣  
張 先行恭摺覆

奏伏乞

皇上聖鑒再該御史汪琳原奏所稱之小洋口本屬泰州

今隸東臺乾隆初年因海潮內灌築堤堵塞嗣建三  
孔石閘一座復被海潮冲圮該處范公堤以外原係  
黃沙洋現在一望平沙已無河形小洋口地居上游  
無閘宣洩應可毋庸掩復合併陳明謹

奏

道光七年閏五月十七日具

奏

奏為江廣未渡軍船淮揚難於截貯議請提用江南首  
進回空船隻以資接運遵

旨由驛眾

奏仰祈

聖鑒事竊於六月十五日奉准  
廷寄道光五年六月初十日奉

上諭孫 等奏稱現在盤運水勢短絀重船難以挽行  
半月來僅盤運米八九萬石此尚係停泊淮安以北之

帮若淮安以南運費更增非但經費不敷並恐稽遲時  
日請查照成案暫截淮安所屬州縣存貯或下年搭運  
北上或借給回空帮船食米及量為平糶三款辦理等  
語前因運道淺阻不得已借黃濟運屢經飭諭孫  
等將能否令全漕重運渡黃北上悉心籌辦據孫  
等覆奏自啟放禦黃堤後運河水勢一律深暢現距夏  
至尚早計可不誤期限如黃水已長不過將在後三進  
數帮再籌接運及至奏請盤堤則有未渡之船四十帮  
即使盤堤之米悉數抵通已屬糜帑病民乃復據奏僅

撥運米一百萬石北上尚餘米一百萬石又請照案截

留孫顏並不通盤籌畫行一步算一步此時方

計及經費時日天良何在可謂心喪之至魏前此

會同籌議一味扶同遷就已不能辭咎琦係新任總

督無所用其迴護著將現在未渡軍船究能盡力全數

盤運與否抑或別有籌辦之法即行悉心從長妥議由

驛速奏若再不能詳議盡善妥速辦理魏自問當

得何咎琦亦責無旁貸凜之慎之孫等摺着發

給閱看將此由四百里諭令知之欽此仰見

皇上厯念漕儲勸劬宵旰旣誦之下焦灼欽悚莫可名言查本年運道受淤糧艘阻淺自堵閉禦黃堤後停滯南漕一百九十餘萬之多孫等以豫東軍船及各項官民剝船盤運之外尚餘米一百萬兩請照嘉慶十二年成案或截留存貯或借給回空軍船或量為平糶分為三款辦理仰蒙

聖訓指斥至切至明伏查嘉慶十二年河水短絀截留江廣漕糧其時米價增昂故借給幫丁平糶變價軍民兩便事屬易行本年江南暢雨應特收成自必豐稔

平糶變價固已無可施行且江廣盡係稔米居民買食更難其所請借給幫丁食米下年扣還如出借過多則下年難下照扣出借過少于軍丁仍無寔濟且彼時共截留漕糧七十餘萬石其因貯淮揚次年分幫搭運者不過十餘萬石聞承辦州縣受累已復不少今江廣等幫未經渡黃漕糧一百二萬九千餘石既不能平糶變價又不便多借幫丁一經截留勢必全行囤貯前督臣魏於孫等議奏後即行令淮揚等府凡有空間倉廩及廟宇寺觀民房廣為

尋覓以備貯米現據各屬紛紛具稟咸以米多屋少  
不敷分貯為詞又聞州縣有借用民房致多騷擾者  
是停滯本已病漕而截留又復累民孫 等所議  
因貯出借平糶三條均屬窒碍况截留漕糧原期次  
年分帮搭運今明歲試办海運事在必行正漕尚難  
全裝陳漕安能分搭以久貯在船之熟米又令中途  
截卸淮揚地處潮濕霉變折耗本在意中又須待至  
道光七年搭運虧爛更難計數孫 等所請查照  
成案辦理之處應請毋庸置議惟截漕之請既屬非

宜舍轉運赴通此外別無良策無如前次江南封雇  
船隻本屬無多接運江浙漕糧已屬不敷輪轉而現  
已夏末為時已遲不惟西河牛等船早經遠避即運  
河船隻亦恐堪攔截不前縱使多方雇募即二三百  
隻尚形棘手何能再有一二千隻足供接運竊于萬  
分焦急之時力籌所以盤運之法因思本年重運首  
進軍船自淮安頭帮起至江淮九帮過淮止並例不  
過淮安淮安三江北長淮四等帮共船一千一百八  
十六隻起運漕米九十八萬七千四百餘石四月初

間頭帮已入直隸境計五月底六月初當可交卸南  
下八月中旬摠可全入江南以之接運江廣漕米一  
百二萬九千餘石按船均勻裝載迨抵通倉在米數  
有盈無絀較之雇民船更為穩便且本年夏間雨  
水較多東省微湖汶河之水分流下注濟寧南北閘  
河無須倒塘拗板行走自可迅速或慮回空已交冬  
令恐致途中守凍第查微湖瀦蓄原以接濟南漕明  
年既由海運湖水無須減洩即本年消耗稍多明歲  
僅<sup>儘</sup>可蓄足若將朱姬馬令等閘多起數板則泇河以

南水勢更形充足將來帮船回空仍可趕入江南守  
凍不致停滯中途而帮接運漕糧按石照民船給值  
往返無所苦累似于盤運軍船均有裨益如蒙

俞允<sup>才</sup>即飛咨山東撫臣飭令豫東接運民船暫行停讓

嚴催首進回空帮船飛挽南下以備接運所有已經  
渡黃二進回空帮一千六百九十四隻擬俟霜降後  
黃水消落即行啓坝打放歸次約計時日斷不致有  
滯貽悞其首進回空帮船趕回江境守凍在船舵水  
人等<sup>才</sup>自當分派員弁兵役嚴行約束勿任滋生事

端俟來春二月黃水未漲之時再行酌量借黃回空計千餘軍船順流而下不過十日即可渡完彼時黃水挾沙無多啓坝甚暫且裡河已有清水冲刷自可無虞淤墊努為全漕盡數抵通起見謹遵

旨籌議由驛覆

奏並將孫 等原摺敬謹附繳伏乞

皇上聖鑒訓示再首進回空幫船接運漕糧須在黃河停泊守候盤兌而軍船向止渡黃並無停泊日久之時且時當大汛漂捐堪虞江廣軍船喫水過重亦恐難

以全數提挽則冒險停泊盤坝費用均應籌及努已將山清理外河及運河內民剝飭局于黃運兩河分起預備將來首進軍船即令在北岸臨黃運河停泊用剝船渡黃運殊好交以免踈失其江廣重運船隻均令將貨物起卸祇存漕米計每石喫水一寸即可設法挽提就近盤剝以節糜費合併陳明謹

奏 道光五年六月二十二日由驛具

奏 本年七月初六日奉到

硃批即有旨欽此



再漕河二事關係至重而黃河無挑濬之方全賴湖  
瀦充盈能使清高于黃刷滌得力復於海口接築堤  
埝則河底日漸深通糧艘自可暢行無滯所謂治河  
而漕亦治也今洪澤湖石工已在七分以上出水六  
尺有餘若天氣晴朗約計八月中旬總可完竣以淮  
水來源計之寔無難于收足而在工員弁僉以新工  
為慮竊詢以今歲縱不蓄足明歲豈能再緩該員弁  
等皆毫無把握靡有敢于應允者竊念明歲海運尚

不敷全漕之半若嗣後收蓄清水俱與本年相等則全漕究于何年始能盡抵通倉以

天庾正供而計米待漕所漕閔實匪淺鮮况石工難資抵禦踈防更漫堪虞才前與河臣反覆計議亟宜早為籌畫努於河務机宜不如河臣遠甚寔不敢掉以輕心相應據實奏

聞可否

勅下河臣詳細履勘就現在情形是否可將清水收足以資敵黃濟運抑應如何設法籌辦必使道光七年分

漕糧全數濟渡之處會同<sup>才</sup>查議具奏庶章程可以豫立不致臨時急遽<sup>才</sup>因事關重大既有所知不敢緘默謹附片陳明伏候

訓示謹

奏 道光五年六月二十<sup>日</sup>附驛具

奏 七月初六日奉到

硃批所見是另有旨欽此

再竊前奏開阻禦黃二壩壩以外頭壩壩以內之官民剝  
船連日竭力抬挽已由壩壩內拔出黃河七百十六隻  
以備運糧北上其餘或船身較大不能拔出或淤久  
損壞難於合用現又將損壞之民船槩行釋放其江  
廣剝船另行查辦至浙省紹興後幫軍船五十六隻  
內先經渡黃者二十二隻原載糧米飭令逕行運通  
交納不豫東軍民船隻接運四十萬石之內亦未發  
給提溜過閘銀兩其淤阻頭壩壩以內之二十五隻船

身過大非如剝船之可由堤上抬挽隨飭將該船漕  
糧及淤阻三壩四壩間之九船漕糧一併起剝由民  
船運赴東省接運已於六月二日日十開行所有各幫  
起空船隻因下游高寶一帶節節築壩蓄水不能即  
令回空均經送至洪澤湖之各引河內停泊以便讓  
出河面將未起各幫漕船挨次提近現在河臣因下  
游堵截清水刷沙無力派員將各壩口門酌啓二三  
丈一俟水勢稍平即可令其以次回空不致稽遲惟  
壩以內之紹興後幫二十五船因黃水日長現高壩

內六尺有餘未便啓放空船致有疎虞應俟黃水消  
落再行相機辦理其船隻已多漏滲亦須俟啓放後方  
能修整至各幫水手均係游手無賴之徒全在從嚴  
彈壓有犯必懲俾各所知儆畏庶無法輕易犯之弊竇  
到任後一切嚴以震懾各幫均屬安靜並無滋事  
之人其白幫水手經臣魏派員查拏之後早經逃  
散刻下係零星訪獲前後共一百一十餘名已分起  
解赴浙江歸案審辦現在該幫僅止頭舵數人在船  
並無在浙滋事水手謹附片陳明伏祈

聖鑒謹

奏

道光五年七月初六日附驛具

奏本月十八日奉

硃批知道了欽此

